

ԳԻՏՈՒԹՅԱՆ ՊԱՏՄՈՒԹՅՈՒՆ

Գ. Բ. ՊԵՏՐՈՍՅԱՆ

ԳԻՏՈՒԹՅԱՆ ՊԱՏՄՈՒԹՅԱՆ ՄԻՋԱԶԳԱՅԻՆ X ԿՈՆԳՐԵՍԸ

Տարեցտարի լաբորանտն է սովետական գիտնականների կապը արտասահմանյան գիտնականների հետ։ Այդ կապը իրականացվում է տարբեր ձևերով, մի կողմից՝ սովետական և արտասահմանյան գիտնականները կատարում են փոխադարձ այցելություններ՝ ծանոթանալու այս կամ այն ազգային ակադեմիաների, համալսարանների, ինստիտուտների, ֆակուլտետների, լաբորատորիաների գիտական կոլեկտիվների աշխատանքներին, մյուս կողմից՝ կապը կենսագործվում է միջազգային գիտական կազմակերպությունների գործունեության միջոցով։

Գիտության պատմաբանները նույնպես, ինչպես մյուս բնագավառների գիտնականները, համատեղ աշխատակցելու, փորձի փոխանակում կատարելու, բնագիտության և տեխնիկայի պատմության սկզբունքային պրոբլեմները լայն կերպով քննարկելու նպատակով ստեղծում են միջազգային կազմակերպություններ։ Գիտության պատմության առաջին միջազգային կոնգրեսը տեղի է ունեցել Փարիզում, 1929 թվականին։ Այդ կոնգրեսում հիմնադրվել է գիտության պատմության միջազգային ակադեմիան։

Երկրորդ կոնգրեսը տեղի է ունեցել Լոնդոնում, 1931 թվականին, երրորդը՝ Օպորտո-կոմբերե-Լիսաբոնում, 1934 թվականին, չորրորդը՝ Պրագայում, 1937 թվականին, հինգերորդը՝ Լոդանում, 1947 թվականին, որտեղ Յունաստանի նախաձեռնությամբ կազմակերպվել է գիտության պատմության միջազգային միություն։ Վեցերորդ կոնգրեսը տեղի է ունեցել Ամստերդամում, 1950 թվականին, յոթերորդը՝ Նրուսադեմում, 1953 թվականին, ութերորդը՝ Ֆլորենցիա ու Միլան քաղաքներում, 1956 թվականին, իններորդը՝ Մադրիդ ու Բարսելոնա քաղաքներում, 1959 թվականին։

* * *

Գիտության պատմության միջազգային տասերորդ կոնգրեսը տեղի ունեցավ Ամերիկայի Միացյալ Նահանգների Իտակա և Ֆիլադելֆիա քաղաքներում, 1962 թ. օգոստոսի 26-ից մինչև սեպտեմբերի 2-ը։

Կոնգրեսի աշխատանքներին մասնակցում էին շուրջ 500 պատվիրակներ։ Սովետական Միությունից կոնգրեսի աշխատանքներին մասնակցում էին 14 գիտնականներ, այդ թվում 10-ը՝ Մոսկվայից, 1-ը՝ Լենինգրադից, 2-ը՝ Կիևից, 1-ը՝ Երևանից։

Կոնգրեսի սիմպոզիումներում և սեկցիոն նիստերում, որոնք հաջորդում էին իրար, կարգացվեց մոտավորապես 250 զեկուցում, նվիրված բնագիտու-

թյան և տեխնիկայի պատմության հարցերին՝ սկսած հնագույն շրջանից մինչև մեր օրերը:

Սովետական Միության պատմիկականները կոնգրեսի սիմպոզիումներում և սեկցիոն նիստերում հանդես եկան 12 զեկուցումով:

Մեծ հետաքրքրություն առաջացրին պրոֆ. Ա. Տ. Գրիգորյանի զեկուցումը՝ համաշխարհային անողորմամիկայի դարդացման մեջ ուսս գիտնականների ավանդի մասին, պրոֆ. Ա. Պ. Յուշկևիչի զեկուցումը Պետերբուրգի մաթեմատիկական դպրոցի մասին, ՍՍՄՄ գիտությունների ակադեմիայի թղթակից-անդամ, պրոֆ. Կ. Կ. Խրենովի զեկուցումը Սովետական Միությունում էլեկտրա-դոդման տեխնիկայի դարդացման պատմության մասին, պրոֆ. Վ. Պ. Զուբովի զեկուցումը վերածնունդի դարաշրջանում տեխնիկական ու գիտական փորձերի մասին և այլն:

Մեր զեկուցումը նվիրված էր հույն մաթեմատիկոս Եվկլիդեսի երկրաչափության հայերեն վերամշակված տեքստի վերջերս հայտնաբերված ձևազրի հետազոտմանը, որը կատարվել է Երևանի Պետական համալսարանի պրոֆ. Ա. Գ. Աբրահամյանի հետ համատեղ: Պետք է նշել, որ այդ ձևազրի դասվում է Ամերիկայի Միացյալ Նահանգների Կանդաս քաղաքի հայ բնակիչ, բանասեր Հարություն Քյուրգյանի ձևազրական ֆունդամ: Այդ ձևազրի տեքստը, որը ունի «երկրաչափիկ Եվկլիդեսի» վերնագիրը, լույս տեսավ 1962 թվականի վերջերին Երևանում, Հայկական ՍՍՌ գիտությունների ակադեմիայի հրատարակությամբ: Գրքի ծավալը 20 տպագրական մամուլ է:

Ճատերոդ կոնգրեսը գիտության պատմարանների միջազգային միավորման ու նրանց հաղորդակցման բարձրագույն ձևը հանդիսացավ: Հինդ մայրցամաքների գիտնականները կատարեցին փոքրի փոխանակում, լաֆորեն բնարկեցին սկզբունքային պրոբլեմներ, առաջ քաշեցին բնագիտության և տեխնիկայի պատմության նոր հարցեր: Կոնգրեսը ցույց տվեց, թե գիտության հետագա դարդացման համար որքա՞ն կարևոր է ամբողջ աշխարհի գիտնականների ստեղծագործական համագործակցությունը:

Գիտության պատմության միջազգային միության և ակադեմիայի ղեկավար մարմինների մեջ Սովետական-Միությունից ընտրվեցին 8 մարդ: Միության փոխ-պրեզիդենտ ընտրվեց պրոֆ. Ա. Տ. Գրիգորյանը, ինձ ընտրեցին գիտության և տեխնիկայի պատմության դասավանդման միջազգային հանձնաժողովի կազմում:



Ամերիկայի Միացյալ Նահանգներում 18 օր գտնվելու ընթացքում այս տողերի հեղինակին վիճակվեց լինել շատ քաղաքներում, այդ թվում Նյու-Յորք, Վաշինգտոն, Ռիչմոնդ քաղաքներում, և հետաքրքրական հանդիպումներ ու զրույցներ ունենալ այդ երկրի գիտնականների, բնակչության տարբեր խավերի ներկայացուցիչների հետ:

Հատկապես տպավորիչ էր հանդիպումը ԱՄՆ-ի հայկական դադուքի ներկայացուցիչների հետ, որ տեղի ունեցավ Նյու-Յորքի Նահանգի Լեյկ-Վուդ զեղատեսիլ քաղաքում, որը գտնվում է Նյու-Յորքից 100 կիլոմետր հեռավորության վրա: Այդ հանդիպմանը մասնակցում էին տարբեր տարիքի շուրջ 250 հայեր: Նրանց թվում էին առաջադիմական հայերի Ամերիկյան միության ղե-

Կալար Օգսեն Սարյանը, բանաստեղծ Կարապետ Սիտալը, Արշավիր Քաղցրունին, «Լրարեր» թերթի խմբագիր Մարտիկ Մարտենցը և ուրիշներ:

Ներկաները բուռն հետաքրքրություն ցուցաբերեցին Սովետական Հայաստանի գիտության ու կուլտուրայի, արդյունաբերության ու գյուղատնտեսության բնագավառներում ձեռք բերված նվաճումների նկատմամբ:

Գ Ի Ա Վ Ա Ն ՈՒ Թ Յ ՈՒ Ն

1. Вопросы истории естествознания и техники, вып. 2, М., 1956.
2. Xth International Congress history of science, Abstracts, 1962, Ithaca—Philadelphia.

Բնագիտություն և տեխնիկայի
պատմության խորհուրդ

Ստացված է 15 I 1963